



RADIO STARI GRAD d.o.o., Sarajevo, Urijan Dedina 7, objavljuje Pravila učestvovanja u Nagradnoj Igri „Pohvali se“.

Član 1.

Priređivač Nagradne Igre je Radio Stari Grad d.o.o., Urijan Dedina 7, 71000 Sarajevo (u nastavku - Priređivač), a ista će se realizovati u programu RSG radija za potrebe sponzora Intesa Sanpaolo banke d.d. (u nastavku Sponzor).

■ Član 2.

Pravilima učestvovanja u Nagradnoj igri (u nastavku: Pravila) Priređivač definiše sva pravila učestvovanja u nagradnoj igri „Pohvali se“.

Član 3.

Nagradna igra se realizuje u razdoblju od 11. aprila do 22. aprila 2016. godine, radnim danom, u terminu od 06 do 18 sati.

Član 4.

Ovim pravilima se osigurava ravnopravnost svih učesnika u nagradnoj igri i jednaka mogućnost osvajanja nagrade u slučaju da su ispunjeni svi uslovi iz Pravilnika.

Član 5.

Pravo sudjelovanja u ovom kvizu imaju svi punoljetni državljani Republike Bosne i Hercegovine, a nemaju uposlenici RSG radija i Intesa Sanpaolo banke d.d. i sestrinskih kompanija, stalni saradnici i članovi njihove uže porodice. Jedna osoba može osvojiti samo jednu nagradu. Priređivač nije odgovoran ukoliko osoba odbije preuzeti nagradu.

■

Član 6.

Sudjelovanjem u kvizu učesnici prihvataju pravila navedena u ovim Pravilima i dozvoljavaju da se njihove fotografije, audio snimci i slično mogu objaviti u eteru RSG radija, na internet stranicama Priređivača ili Sponzora, Facebooku i Twitteru RSG radija. Učesnici pristaju da njihovi podaci budu objavljeni na web stranicama trećih osoba, stranicama Sponzora i stranicama društvenih mreža. Učesnici također pristaju i na fotografisanje prilikom preuzimanja nagrade za potrebe promocije igre i objave u medijima Priređivača i Sponzora.

Učesnici igre pristaju bez iznimke da Priređivač ili Sponzor mogu koristiti podatke prikupljene unutar igre narednih 12 mjeseci za potrebe marketinga i promotivnih aktivnosti, bez ikakve naknade učesniku.



Član 7.

Zadatak slušatelja je da pozovu besplatni telefon RSG radija 0800 510 10 i kažu nam na šta su najpametnije potrošili novac. Svi slušatelji koji ostave poruku, u skladu sa pravilima, postaju potencijalni dobitnici nagrade. Na kraju svake sedmice stručna komisija će od svih pristiglih poruka izvući sretnog dobitnika sedmične nagrade, a redakcija RSG radija će obavijestiti dobitnika o načinu preuzimanja nagrade.

Član 8.

Nagradni fond čine dvije nagrade od po 500,00KM (petstotina konvertibilnih maraka na Visa Inspire kartici Intesa Sanpaolo banke). Ukupna vrijednost nagradnog fonda je 1.000,00KM (hiljadu konvertibilnih maraka). Nagrade obezbjeđuje Sponzor a dodjeljuje Priređivač na način da se maksimalno ispune ciljevi provođenja igre.

Član 9.

Regularnost provođenja nagradne igre provodi tročlana komisija RSG radija, o čemu se vodi dnevni zapisnik.

Tročlanu komisiju čine:

1. Samira Poričanin-Petrešin;
2. Ajdin Kulenović;
3. Aida Tukar.

Član 10.

Priređivač igre će imena dobitnika objaviti u eteru i obavijestiti ih telefonskim putem o osvojenoj nagradi.

Nagrade dobitnici podižu u nekoj od poslovnica Intesa Sanpaolo banke, uz prilaganje zakonski valjanog identifikacijskog dokumenta. Nagradu nije moguće zamijeniti za novčanu naknadu. Trenutkom preuzimanja nagrade, odnosno potpisom o preuzimanju nagrade, prestaju sve daljnje obaveze Priređivača i Sponzora kviza prema Dobitniku.

Nagrada će biti dostavljena dobitniku u roku 30 (trideset) dana od završetka igre. Priređivač i Sponzor nisu odgovorni ukoliko dobitnik ne zadovoljava kriterije za korištenje nagrade te takva obrazloženja ne kvalifikuju za promjenu nagrade. U slučaju da u Pravilima propisanom roku dobitnik ne preuzme nagradu, gubi pravo potraživanja iste.

Član 11.

Priređivač kviza može isti staviti u privremeno stanje mirovanja ili ga u potpunosti prekinuti u slučaju nastupa više sile i izraženih privrednih poremećaja, te o tome na odgovarajući način obavijestiti javnost.



Član 12.

Učestvovanjem u igri svaki učesnik prihvata gore navedena prava i obaveze iz ovog Pravilnika. U slučaju mogućeg spora nadležan je Općinski sud u Sarajevu.

Članak 13.

Ovaj Pravilnik stupa na snagu danom objave na web stranici www.rsg.ba, a njegova valjanost traje do ispunjenja svih stavki predviđenih pojedinim člancima Pravilnika.

U Sarajevu, 01. aprila 2016.

Radio Stari Grad d.o.o.
Broj 004/2016.